

已果獲復用械自隨乎佛告比丘善法猶可
 捨何況非法尔時有一比丘白世尊言云何
 當捨於法而况非法我等豈非由法學道乎
 世尊告曰依憍慢滅憍慢慢增上慢自慢
 邪見慢慢中慢增上慢以無慢滅慢慢無
 慢正慢滅邪慢增上之慢盡滅四慢我昔未
 成佛道坐樹王下時便生此念欲界之中誰
 最豪貴我當降伏已降伏此欲界之中天及
 人民皆悉靡伏時我復重作是念聞有弊魔
 波旬今當與彼戰以降波旬一切憍慢豪貴
 之天一切靡伏時我比丘於座上笑使魔波
 旬境界皆悉震動虛空之中聞說偈聲

捨真淨王法 出家學甘露 設剋廣願者
 空此三惡趣 我今集兵眾 瞻彼沙門顏
 設不用我計 執脚擲海表

增壹阿含經卷第三十八 十二末 如八

增壹阿含經卷第三十九

如九

符秦建元三年三藏曇摩難提譯

馬血天子品第四十三之餘

是時弊魔波旬瞋恚熾盛即告師子大將曰
 速集四部之眾欲往攻伐沙門又當觀察為
 有何力勢堪任與我共戰闔耶時我爾時復
 更思惟與凡人交戰猶不默然何況欲界豪
 貴者乎要當與彼少多爭競時我比丘著仁
 慈之鎧手執三昧之弓智慧之箭俟彼大衆
 是時弊魔大將兵眾十八億數顏貌各異猿
 猴師子來至我所爾時羅刹之眾或一身若
 千頭或有數十身而共一頭或兩肩有三頭
 當心有口或有一手或有兩手者或復四手
 或兩手擎頭口銜死蛇或頭上火燃或口出
 火或兩手擎口欲前噉之或披腹相向手執
 刀劔護持戈鉞或執春杵或擔山負石持大
 樹者或兩脚在上頭在下或乘象師子虎狼
 毒虫或步來者或空中飛是時弊魔將尔許

之衆圍遶道樹時魔波旬在我左側而語我曰沙門速起時我比丘默然不對如是再三魔語我曰沙門畏我不乎爾時我再三不對魔語我曰沙門畏我不乎我告之曰我今執心無所畏懼時波旬曰沙門頗見我四部之衆耶然汝一已無有器仗兵刃禿頭露形著此三衣復言吾無所畏尔時我向波旬便說此偈

仁鎧三昧弓

手執智慧箭

福業爲兵衆

今當壞汝軍

時魔波旬復語我曰我於沙門多所饒益設不從我語者正爾取汝灰滅其形又復沙門顏貌端正年壯可美出處剎利轉輪王種速起此處習於五樂我當將和使汝得作轉輪聖王時我復報波旬曰汝所說者無常變易不得久住亦當捨離非吾所貪時弊魔波旬復語我曰沙門今日爲何所求志願何物時我報曰吾所願者無憂畏處安隱憺泊涅槃

城中使此衆生流浪生死沉翳苦惱者導引正路魔報我曰設今沙門不速起于座者當捉汝脚擲著海表時我報波旬曰我自觀察天上人中魔若魔天人若非人及汝四部之衆不能使吾一毛動也魔報我曰沙門今日欲與吾戰乎我報之曰思得交戰魔報我曰

如九

二

汝怨是誰我當報曰僞慢者是增上慢自慢邪慢慢中慢慢增上慢慢魔語我曰汝以何義滅此諸慢慢時我報曰波旬當知有慈三昧悲三昧喜三昧護三昧空三昧無願三昧無相三昧由慈三昧辦悲三昧緣悲三昧得喜三昧緣喜三昧得護三昧由空三昧得無願三昧因無願三昧得無相三昧以此三三昧之力與汝共戰行盡則苦盡苦盡則結盡結盡則至涅槃魔語我曰沙門頗以法滅法乎時我報曰可以法滅法魔問我言云何以法滅法時我告曰以正見滅邪見邪見滅正見以正治滅邪治邪治滅正治正語滅邪語邪語滅

正語以正業滅邪業邪業滅正業正命滅邪命邪命滅正命正方便滅邪方便邪方便滅正方便正念滅邪念邪念滅正念正定滅邪定邪定滅正定魔語我曰沙門今日雖有斯語此處難剋也汝今速起無令吾擲著海表時我復語波旬曰汝本作福唯有一施今得作欲界魔王我昔所造功德無能稱計汝今所說方言其難耶波旬報曰今我作福汝今證知汝自稱說造無數福誰為證知時我比丘即伸右手以指案地語波旬曰我所造功德地證知之我當說此語時是時地神從地湧出叉手白言世尊我當證知地神語適訖

如九

三

和

亂想之念猶如野狸之皮極修治之以手奉加之亦無聲響無堅鞭處此亦如是若比丘慢盡都無增減是故我今告汝等曰設為賊所擒獲者勿與惡念當以慈心遍滿諸方猶如彼極柔之皮長夜便獲無為之處如是比丘當作是念當說此法時於彼座上三千天子諸塵垢盡得法眼淨六十餘比丘還捨法服習白衣行六十餘比丘漏盡意解得法眼淨爾時諸比丘聞佛所說歡喜奉行

聞如是一時佛在摩竭國神祇恒水側與大比丘眾五百人俱爾時世尊告諸比丘猶如摩竭牧牛人愚惑少智意欲從恒水此岸度牛至彼岸亦復不觀彼此之岸深淺之處便駮牛入水先度瘦者又犢尚小在水中央極為羸劣不能得至彼岸復次度中流之牛不肥不瘦亦不得度於中受其苦惱次復度極有力者亦在水中受其困厄今我眾中比丘亦復如是心意闇鈍無有慧明不別生死經

不別魔之橋船欲度生死之流不習於禁戒之法便爲波旬得其便也從邪道求於涅槃望得滅度終不果獲自造罪業復墮他人著罪中猶摩竭牧牛人點慧多智意欲度牛至彼岸此岸先觀察深淺之處前度極盛力牛到彼岸次度中流之牛不肥不瘦亦得度至彼岸次度極羸者亦度無他小犢尋從其後而濟度無爲比丘如來亦復如是善察今世後世觀生死海魔之徑路自以八正道度生死難復以此道度不度者猶如導牛之正一正餘者悉從我弟子亦復如是盡有漏成無漏心解脫智慧解脫於現法中以身作證而

如九

四

自遊化度魔境界至無爲處亦如彼有力之牛度彼恒水得至彼岸我聲聞亦復如是斷五下結成阿那含於彼般涅槃不還來世間度魔境界至無爲處如彼中流之牛不肥不瘦得度恒水而無疑難我弟子亦復如是斷三結使姪怒癡薄成斯陀含來生此世盡於

苦際斷魔境界至無爲處如彼瘦牛將諸小犢得度恒水我弟子亦復如是斷三結使成須陀洹必至得度度魔境界度生死之難如彼小犢隨從母度我弟子亦復如是持信奉法斷魔諸縛至無爲處今時世尊便說此偈魔王所應獲不究生死邊如來今究竟

世間現慧明諸佛所覺了梵志不明曉猶涉生死岸兼度未度者今此五種人及餘不可計欲度生死難盡佛威神力是故比丘當專其心無放逸行亦求方便成賢聖八品之道依賢聖道已便能自度生死之海所以然者猶如彼愚牧牛之人外道梵志是也自溺生死之流復墮他人著罪中彼恒水者即是生死海也彼點慧牧牛者如來是也度生死難由賢聖八品道是故比丘當求方便成八聖道如是諸比丘當作是學今時諸比丘聞佛所說歡喜奉行

如九

五

大比丘千二百五十弟子俱盡是羅漢諸漏已盡六通清徹唯除一人阿難比丘也爾時王阿闍世七月十五日受歲時夜半明星出現告月光夫人曰今十五日月盛滿極爲清明當應施行何事夫人報曰今十五日說戒之日應當作倡妓樂五欲自娛樂時王聞此語已不入其懷復告優陀耶太子曰今夜極清明應作何事優陀耶太子白王言如今夜半極清明應集四種之兵諸外敵異國不靡伏者當往攻伐是時王阿闍世聞此語已亦復不入其意復語無畏太子曰如今極清明之夜應何所施行無畏太子報曰今不蘭迦葉明諸算數兼知天文地理衆人所宗仰可往至彼問此疑難彼人當與尊說極妙之理永無流滯時王聞此語已亦不入其意復語須泥摩大臣曰如今之夜極爲清明應何所施行須泥摩白王曰如今夜半極爲清明然阿夷湍近在不遠多所曉了唯願大王往問

其宜王聞此語已亦復不入其意復告婆沙婆羅門曰如今夜半極爲清明應何所施行婆羅門報曰如今十五日極爲清明然有瞿耶樓近在不遠唯願大王往問其義時王聞此語已復不合其意復語摩特梵志曰如今夜半極爲清明應作何事梵志報曰大王當知波休迦梅近在不遠唯願大王往問其情王聞此語已復不合意復告索摩典兵師曰如今夜半極爲清明應何所行索摩報曰先毗盧持近在不遠明諸算術可往問其義王聞此語已亦不合其意復告最勝大臣曰如今十五日極爲清明應何所施行最勝白王言今有尼捷子博覽諸經師中最上唯願大王往問其義王聞此語已不合其意復作是思惟此諸人等斯是愚惑不別真僞無有巧便尔時耆婆伽王子在王左側王願語耆婆伽曰如今夜半極爲清明應何所施行是時耆婆伽即前長跪而白王言今如來近在不

如九

六

遠遊貧聚園中將千二百五十弟子唯願大
王往問其義然彼如來爲明爲光亦無疑滯
知三世事靡不貫博自當與王演說其事王
所有狐疑燿然自悟是時王阿闍世聞耆婆
伽語已歡喜踊躍善心生焉即歎耆婆伽曰
善哉善哉王子快說斯言所以然者我今身
心極爲熾然又復無故取父王殺我恒長夜
作是念誰堪任悟我心意者今耆婆伽所說
者正入我意甚奇甚特聞如來音響燿然大
悟時王向耆婆伽便說此偈
今日極清明 心意不得悟 汝等人人說
應往問誰義 不蘭阿夷端 尼捷梵弟子
斯等不可依 不能有所濟 今日極清明
月滿無瑕穢 今問耆婆伽 應往問誰義
是時耆婆伽復以偈報王曰
聞其柔軟音 得脫摩竭魚 唯願時詣佛
求處無畏境
時王復以偈報曰

我昔所施行 於佛無益事 害彼真佛子
名曰頻婆娑 今極懷羞耻 無顏見世尊
汝今云何說 使吾往見之
是時耆婆伽復以偈報王曰
諸佛無彼此 諸結末已除 平等無二心
此是佛法義 設以拈檀香 以塗右手者
執刀斷左手 心不起增減 如憍羅云子
一息更無二 持心向提婆 怨親無有異
唯願大王屈 往覲如來顏 當斷其狐疑
勿足有留滯
是時王阿闍世告耆婆伽王子曰汝今速嚴
駕五百牙象五百特象然五百燈耆婆伽對
曰如是大王是時耆婆伽王子即時嚴駕千
象及然五百燈前白王言嚴駕已辦王知是
時令時王阿闍世將諸營從往詣梨園中
路便懷恐怖衣毛皆豎還顧謂耆婆伽王子
曰吾今將非爲汝所誤乎將非持吾與怨家
耶耆婆伽白王實無此理唯願大王小復前

進今如來去此不遠時王阿闍世意猶懷恐
 重告耆婆伽曰將非為汝所惑又聞如來將
 千二百五十弟子今不聞其聲耆婆伽報曰
 如來弟子恒入三昧無有亂想唯願大王小
 復前進是時阿闍世王即下車步入門至講
 堂前默然而立觀察諸聖眾還顧謂耆婆伽
 曰如來今在何處尔時一切聖眾盡入燄光
 三昧照彼講堂靡不周遍是時耆婆伽即時
 長跪伸右手指示如來言此是如來最在中
 央如日披雲是時王阿闍世語耆婆伽曰甚
 奇甚特今此聖眾心定乃尔復以何緣有此
 光明耆婆伽白王三昧之力故放光明耳王
 復告曰如我今日觀察聖眾極為寂然使我
 優陀耶太子亦當如是寂然無為時王阿闍
 世叉手自稱說曰唯願世尊當見觀察世尊
 告曰善來大王王聞如來音響極懷歡喜如
 來乃見稱說王号時王阿闍世即至佛所五
 體投地以兩手著如來足上而自稱說唯願

世尊當見垂愍受其悔過父王無罪而取害
 之唯願受悔後更不犯自改往修來世尊告
 曰今正是時宜時悔過無令有失夫人處世
 有過能自改者斯名上人於我法中極為廣
 天宜時懺悔是時王札如來足已在一面坐
 時王白佛言唯願欲有所問如來聽者乃敢
 問耳佛告王曰有疑難者宜時問之王白佛
 言於現世造福得受現報不乎佛告王曰古
 昔已來頗以此義曾問人乎王白佛言我昔
 曾以此義而問他人亦問不蘭迦葉云何不
 蘭迦葉現世作福得受現報乎不蘭迦葉報
 我言無福無施無今世後世善惡之報世無
 阿羅漢等成就者我當尔時問此受果之報
 彼報曰無也如有人問以瓜義報以捺理今
 此迦葉亦復如是時我作是念此梵志已不
 解義豪族王種所問之義此人方便引餘事
 報時我世尊即欲斷其頭即不受其語尋發
 遣之時我復至阿夷湍所問此義阿夷湍報

我言若於江左殺害衆生作罪無量亦無有罪亦無有惡果之報時我世尊復作是念我今問現世受報之義此人乃持殺害報吾猶如有人問梨之義以捺報之即捨之去復至瞿耶樓所而問此義彼人報我曰於江右邊造諸功德不可稱計於中亦無善惡之報我

余時復作是念吾今所問義者竟不報其理復捨之去後往至波休迦旃延所而問斯善彼人報曰唯有一人出世一人死一人生一人往反受其苦樂時我復作是念我今所問現世之報乃持生死來相吞復捨之去往問先毗盧持如此之義彼人報我言過去者已

如九

九

滅更不復生當來未至亦復不有現在不住不住者即變易時我復作是念我今所問現世之報乃將三世相酬此非正理即復捨去至尼捷子所而問此義云何尼捷子頗有現世作福得受現世報耶彼報我言無因無緣衆生結縛亦無有因亦無有緣衆生著結縛

無因無緣衆生清淨時我復作是念此梵志等斯是愚惑不別真偽猶盲無目所問之義竟不相報如似弄轉輪王種尋復捨去今我世尊故問其義現世作福現受報耶唯願世尊演說其義余時世尊告曰大王我今問汝義隨所樂報之大王頗有典酒厨宰及賞護物左右使人乎王白佛言唯然有之設彼使人執勞經久復當賞遺不乎王白佛言隨功叙用不令有怨佛告王曰以此方便知現在世作福得受現報云何大王既處高位卹民以禮當復賞遺不乎王白佛言唯然世尊食共同甘併命不恨佛告王曰當以此方便知

昔日出處極卑漸漸積功與王同歡以是之故現世作福得受現報佛告王曰彼有勞之人經歷年歲來白王言我等功勞已立王所明知欲從王求意所願王當與之不乎王白佛言隨彼所願而不違之佛告王曰彼有勞之人欲得辭王剃除鬚髮著三法衣出家學

道修清淨行王聽不乎王白佛言唯然聽之
 佛告王曰設王見彼剃除鬚髮出家學道在
 我左右王欲何所施為王白佛言承事供養
 隨時禮拜佛告王曰以此方便知現身作福
 得受現報設彼有勞之人持戒完具無有所
 犯王欲何所施行王白佛言盡其形壽供給
 衣被飲食牀敷卧具病瘦醫藥不使缺減佛
 告王曰以此方便知現身作福得受現報設
 復彼人已作沙門盡有漏成無漏心解脫智
 慧解脫已身作證而自遊化生死已盡梵行
 已立所作已辦更不復受有如實知之王欲
 何為王白佛言我當盡形壽承事供養衣被

如九

十

飲食牀卧具病瘦醫藥不令有乏佛告王曰
 當以此方便知現世作福得受現報設復彼
 人盡其形壽於無餘涅槃界而般涅槃者王
 欲何所施為王白佛言當於四道頭起大神
 寺兼以香華供養懸繒幡蓋承事禮敬所以
 然者彼是天生非為人身佛告王曰當以此

方便知現世作福得受現報王白佛言我今
 以先譬喻於中受解今日世尊重演其義自
 今已後信受其義唯願世尊受為弟子自歸
 於佛法比丘僧今復懺悔如愚如惑父王無
 過而取害之今以身命自歸唯願世尊除其
 罪德演其妙法長夜無為如我自知所作罪
 報無有善本佛告王曰有二種人無罪而命
 終如屈申臂頃得生天上云何為二一者不
 造罪本而修其善二者為罪改其所造是謂
 二人而取命終生於天上亦無留滯今時世
 尊便說此偈
 人作極惡行 悔過轉微薄 日悔無懈怠
 罪根永已拔

是故大王當以法治化莫以非法夫以法治
 化者身壞命終生善處天上彼已命終名譽
 遠布周聞四方後人共傳昔日有王正法治
 化無有阿曲人以稱傳彼人所生之處增壽
 益筭無有中夭是故大王當發歡喜之心向

如九

十一

三尊佛法聖衆如是大王當作是學。爾時阿闍世王即從座起頭面禮佛足便退而去。王去不遠佛告諸比丘。今此阿闍世王不取父王害者。今日應得初沙門果證。在四雙八輩衆中亦復得賢聖八品道。除去八愛超越八難。雖尔今猶獲大幸。得無根之信。是故比丘。爲罪之人當求方便。成無根之信。我優婆塞中得無根信者。所謂阿闍世王是也。爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘。有世入法。隨世迴轉云何。爲八一者。利二者。衰三者。毀四者。譽五者。稱六者。譏七者。苦八者。樂。是謂比丘有此八法。隨世迴轉。諸比丘當求方便。除此八法。如是諸比丘當作是學。爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘。如來出現世間。又於世界

成佛道。然不著世間八法。猶與周旋。猶如淤泥。出生蓮華。極爲鮮潔。不著塵水。諸天所愛。敬見者心歡。如來亦復如是。由胞胎生於中。長養得成佛身。亦如琉璃之寶。淨水之珠。不爲塵垢所染。如來亦復如是。亦生於世間。不爲世入法所染者。是故比丘當勤加精進。修行八法。如是比丘當作是學。爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘。有八種人流轉生死不住。生死云何。爲八趣。須陀洹得須陀洹趣。斯陀含得斯陀含趣。阿那含得阿那含趣。阿羅漢得阿羅漢。是謂比丘有此八人流轉生死不住。生死是故比丘求其方便。度生死難。勿住生死。如是比丘當作是學。爾時諸比丘聞佛所說歡喜奉行。

馬血齋難陀 提婆達船棧 牧牛無根信
世法善八人

十二

增壹阿含經卷第三十九

如九

鎧苦亥苦猿猴二字音譬補妄戈鉞古禾反

春杵上尸容反秃頭上谷反淡泊上徒濫反擊反音年

一計反玄邃下昌呂反狸反力之堅反鞭下俗更反點反慧

穢八上反溺反特象字上音鎧字燈反瓜反義花上反捺反理反瑕反

弄持二弄字卹民上思賞遺下唯繒幡上疾

罪憊軋下反中天小下反

符秦建元年三藏曇摩難提譯

增壹阿含經卷第四十

如十

九衆生居品第四十四

聞如是一時佛在舍衛國祇樹給孤獨園。時世尊告諸比丘：有九衆生居處是衆生所居之處。云何爲九？或有衆生若干種身若干

孫勝子

種想所謂天及人也。或有衆生若干種身一
想所謂梵迦夷天最初出現也。或有衆生一
身若干想所謂光音天也。或有衆生一身一
想所謂遍淨天也。或有衆生無量空空處天
也。或有衆生無量識識處天也。或有衆生不
用處不用處天也。或有衆生有想無想處有
想無想處天也。諸所生之處名爲九。也是謂
比丘九衆生居處。群萌之類曾居已居當居
是故比丘當求方便離此九處。如是諸比丘
當作是學。尔時諸比丘聞佛所說歡喜奉行。
聞如是一時佛在舍衛國祇樹給孤獨園。尔
時世尊告諸比丘：當說嚫願有九種德。汝等
善思念之。吾今當敷演其義。是時諸比丘受
佛教誡。佛告比丘：彼云何名爲嚫願九種之
德？比丘當知：檀越施主成就三法所施之物
亦成就三法。受物之人亦成就三法。彼檀越
施主云何成就三法？於是檀越施主信成就
誓願成就亦不殺生。是謂檀越施主成就此